

曾文正公奏議

翻刻必究

同治十三年
三月蘇郡刊

楊葉山房
督造書籍

同治壬申之冬常熟張君瑛刊曾文正公文鈔竟將續
鐫其奏疏就謀於福成憶往歲從文正公遊獲徧觀其
前後疏稿又見公所自甄錄存三之一猶及五百篇福
成戎幕多暇亦以意選鈔成帙與公所自錄不無一二
異同然大端歧者寡矣公自壬戌以前轉戰無定居其
疏稿間有闕佚又其密薦大臣籌議邊計當時或未留
草亦已不可盡睹今敕篋中所藏哀其尤精者得二百
篇付諸剞劂以飫綴學之士之慕云蓋自公始進於
朝卽侃侃言天下事如議大禮議軍政議所以獎植人

才皆關經世之務甚鉅厥後出膺重寄於天下大事益無所不陳然公生平治軍最久故疏中言軍事亦最多每建一策議一制必綜貫其本末利病而徐規其遠者大者其發爲文章精純簡暢窮盡事理

朝廷於公言無不從及行之而效或立睹或遲之益遠卒皆如公言方道光咸豐之際海內承平久中外臣僚狃於無事拘守文法委蛇骯髒流風相師一旦狂寇睨隙思逞莫之能制居高位臨事而顛仆者肩相望也公適以卿貳奉諱家居受

命而出號召鄉兵剷除成格自創營制引孤軍搏賊當
是時賊勢如潰隄之河如燎原之火舉世方束手相向
而公奮然踴起里閭措持其間衆賊朋疑憖撓笑侮予
立寡助進退交困公前後持一節不少挫含詢忍尤屢
蹈愈騫從容規恢大耆勵武自一時將相文武名賢以
逮一藝一能罔不陶鑄拔擢綦布宙合以熙中興巍巍
之業昔曾子論士之任重道遠必取宏毅若公之積一
誠以扶世變所就至重且遠可謂宏毅之極者邪福成
旣編次公疏復揭其大旨如此亦以明士或遭值時變

惟秉道不惑以赴重遠之塗事雖艱必可爲寇雖勁必
可夷後之志乎天下事者幸勿震於其勢而自輕也癸
酉春三月無錫薛福成謹序

凡例

一是編所輯不及全疏十之二三蓋以公之全集不久告成奏疏一宗幾居全集之半尤稱閎富茲特爲采取指要略具大端以慰學者之渴慕但恐搜羅尚隘或不免闕漏之病讀者自能諒之

一是編所据因昔選鈔之時亟欲卒業未及詳細校勘恐字句略有譌舛之處擬俟全集刊成再有校勘記續出

一是編於軍事關繫大局者俱經選輯惟自公初辦團

練以逮將克岳州之時皆由湖南巡撫代奏疏稿已無
可稽其克九江克吉安克安慶廬州亦由楚省大府主
稿具奏故獨無報捷之疏而克安慶則僅有一片
一疏稿中有應三抬雙抬單抬者本擬分別抬出惟前
刻文鈔時業已概作平抬是編亦從前次體例以昭一
律

曾文正公奏議目錄

無錫薛福成編次

常熟張璜同校

龐鴻湛

卷首

何中丞奏曾文正公歷年賢勞實跡疏

卷一

遵議大禮疏

應詔陳言疏

敬陳 聖德疏

簡練軍實疏

水師克復岳州疏

水師疊獲大勝疏

岳州大捷疏

水陸迭獲勝仗疏

水陸續勝現籌進兵疏

克復武漢疏

水師搜勦襄河疏

卷二

統籌三路進兵疏

克復興國大冶疏

蹋破半壁山賊營疏

陸軍斫斷江中鐵鎖疏

大破田家鎮賊防疏

克復黃梅疏

濯港大捷疏

擊退潯城逆黨疏

謹陳水陸軍情疏

湖北兵勇不可復用疏

提督因病出缺疏

羅軍回勦武漢疏

卷三

縷陳各路軍情疏

各路堵剿情形疏

道員建祠疏

江西近日軍情疏

報丁父憂疏

懇請終制疏

籲請開缺疏

瀝陳辦事艱難疏

酌擬報銷疏

湖口九江建祠疏

湘鄉建忠義祠疏

移師援閩疏

遵旨斟酌具奏疏

通籌全局仍請添練馬隊疏

道員留營片

奉到防蜀諭旨疏

攻克景德鎮疏

會商大略疏

悉心籌酌疏

卷四

遵旨覆奏疏

通籌全局疏

請起川道員疏

預籌三支水師疏

鄂省兵單片

妥籌辦理疏

請將左京堂仍留營疏

斟酌進兵疏